

Ўзбекистон Республикаси Президенти Тожикистон Республикаси, Қозогистон Республикаси, Беларусь Республикаси ва Туркманистон Хукуматлари раҳбарларини қабул қилди



учрашувлар ўтказди.


Ўзбекистон Республикаси Президенти Шавкат Мирзиёев 2 ноябрь куни МДХ Хукумат раҳбарлари кенгашининг навбатдаги мажлисида иштирок этиш учун мамлакатимизга келган Тожикистон Республикаси Бош вазири Қохир Расулзода, Қозогистон Республикаси Бош вазири Бакитжан Сагинтаев, Беларусь Республикаси Бош вазири Андрей Кобяков ва Туркманистон Вазирлар Маҳкамаси Раиси ўринбосари Эсенмурат Оразгелдиев билан икки томонлама

Тожикистон Республикаси Бош вазири Қохир Расулзода билан учрашувда конструктив ва самарали ҳамкорликни ривожлантиришдан икки томон ҳам манфаатдор экани ҳақида сўз юритилди.



Давлатимиз раҳбари Ўзбекистон билан Тожикистон ўртасидаги анъанавий яқин дўстлик муносабатларини мустаҳкамлашга қаратилган аниқ лойиха ва дастурларни амалга ошириш учун ҳукumatлараро комиссия салохиятидан самарали фойдаланиш муҳимлигини алоҳида таъкидлади.

Қозогистон Бош вазири Бакитжан Сагинтаев билан учрашувда олий даражадаги ўзаро ташрифлар чоғида эришилган келишувлар ва имзоланган ҳужжатларни изчил амалга ошириш масалалари қўриб чиқилди.



Савдо, инвестиция, энергетика, транспорт ва бошқа устувор йўналишлардаги ҳамкорликни ривожлантириш мухимлиги таъкидланди. Икки давлат худудлари ўртасидаги ва ишбилармон доиралари даражасидаги фаол алоқаларни давом эттиришга алоҳида эътибор қаратилди.


Беларусь Баш вазири Андрей Кобяков билан учрашувда Ўзбекистон – Беларусь муносабатлари ривожидаги ижобий суръат мамнуният билан қайд этилди.



Қисқа вақт мобайнида машинасозлик соҳаси, агросаноат мажмуаси, озиқ-овқат, фармацевтика ва бошқа тармоқларда қўшма лойиҳалар амалга оширилди.

Томонлар ҳамкорликнинг мавжуд салмоқли салоҳиятини, авваламбор, иқтисодиётнинг реал секторидаги кооперация имкониятларини тўла ишга солишдан манфаатдор экани қайд этилди.

Туркманистон Вазирлар Маҳкамаси Раиси ўринбосари Эсенмурат Оразгелдиев билан учрашув чоғида Туркманистонга олий даражадаги ташрифлар ва давлат раҳбарларининг мунтазам мулоқотлари Ўзбекистон – Туркманистон муносабатларини стратегик шериклик босқичига кўтаргани таъкидланди.



Ўзбекистон билан Туркманистон ўртасидаги савдо-иктисодий ва транспорт-коммуникация соҳаларидаги ҳамкорлик, саноат ва қишлоқ хўжалигидағи кооперацияни ривожлантириш истиқболлари кўриб чиқилди.

Тожикистон, Қозогистон, Беларусь ва Туркманистон хукуматлари раҳбарлари Ўзбекистон Президенти Шавкат Мирзиёевга самимий қабул учун миннатдорлик билдириди ва ўз давлатлари раҳбарларининг эзгу тилакларини етказди.

president.uz